

溫州市圖書館



龍廬騰草

龍廬騰草

龍廬騰草

游泰山

齊魯
州

遊
山
記

匏廬賸草

春寒

東風宜解凍，驀地又凝寒。花信灰心問，碁讎縮手看。乍教爐火撤，陡覺毳裘單。斗室無多地，猶愁應付難。


次韻和樊山上已遣悶

禊游又屆重三節，芳訊猶慳百六春。老我亂離天寶世，從他裝點永和人。臨流側想羣賢集，覓句先愁一字貧。安得黃緜齊送暖，南榮來就偃佺倫。

樊山先有三月朔寒甚一首未和

次韻和樊山卸裘

小雪清明殊未斷，頗聞鬧市寂花兒。及茲北陸寒纔斂，



重惜東皇去莫羈，黃醉豈論狐白價。尋芳好趁牡丹時，
陂塘買夏宜何處。便與蒲葵訂後期。

次韻和樊山涉園

陳柯幾日換青蔥，亦有餘花炫彼穠。脫襪竹萌行軋茁，
鋪茵苔髮已葶鬆。風光漸暖趨長夏，雪片橫飛記一冬。
喚取童孫從捧杖，小樓徙倚當登峰。

有以亭林畫冊乞題者，疑贗作也。然無以證之，聊

綴二詩其後

大儒不名藝流落，此丹青偶爾臨摹及。誰爲呵護靈玉
瑛，祇博笑雪个共遺馨。太息微言絕空留，畫史型
款署敦胖歲先生再入秦。偶聞特科詔，因念二毛人有中

一幅爲贈
稼堂者春雨哦詩罷，寒松寫照親。傳疑留考證，篋衍
且須珍。

題同鄉葉女士所藏幾道臨晉人帖手蹟

會聽天驕說鳳麟，匡居竟老著書身。墨池一勺留餘瀋，
猶是人間希世珍。

符命方興競美新，凌雲題榜又何人。毛錐只當漁竿把，

想見狂奴故態真。君以籌安會事被謗，侯疑始嘗爲力
辨洪憲紀元項城改易三殿名書榜

者亦吾鄉名流事後竟無及
之者時論之不可憑類如此

一篇天演論推陳，不是乘槎浪問津。晉帖唐臨看晚筆，

依然矩矱守先民。

宿草陽崎秋復春，仙山今隔幾由旬。壁間短幅龍蛇走，

尙記談詩一段因

君手書見和論漁洋詩七古一章至今猶懸齋壁

許苓西避兵北來出示西湖別墅影片

我久不作西湖夢君來袖出西湖圖西湖勝處說不盡

何人知有卧龍廬

墅在卧龍橋側苓西因自署卧龍廬

湖隄花柳幾春風

野老吞聲哭曲江人生會合那可料惆悵桃源是畫中

石孫觀察七十初度奉懷

握手金臺又十秋思君應亦雪盈頭清時坐惜疏長孺

舊部猶知愛細侯玉宇瓊樓餘夢想青鞵布襪恣行游

朱陳晚歲添新契倘得村居二頃謀

封胡羯末數門材玉樹庭階著意培樽酒過從仍北海

笙詩更迭補南陔廉泉但酌明湖水瘦木依然故國槐

不

君晚年別號槐瘦

領略魏城春月語逢辰且看百花开

釋戡寓宅藤花盛開集同人讌賞屬半丁爲圖寫

之卽題其後

紫雲垂處認行窩暢好風光卓午過入座端憑詩作介

當軒况有烏能歌還從香界參禪悅不礙狂飆撼酒波

看取濃陰來歲匝春工煊染付新羅

宰平集同人松筠庵詠諫草堂庭下雙楸亦屬半

丁寫圖卽席奉呈

崇效無棗花五楸補其隙松筠遺諫草雙楸人罕識城

南游騎多花時判喧寂先生龍比從豈眷一區宅後賢

奉辦香祠宇遞修葺玄黃有易位忠佞况陳迹楸乎獨

何心負牆猶聳立，憶昔宣坊居。距庵纔咫尺，十年足不到。拜像空踈踏，名流百輩盡。參天餘古色，藤蘿不敢干。護持倘神力，玉几今畫宗。落墨頗矜惜，看君放直幹。吾詩但疥壁。

杜慎丞新得林吉人所藏松雪硯拓本索題

眞硯不損東坡云，後來硯史何紛紛。玉帶生存文山死，大都藉甚趙承旨。此硯贈者老瞿曇，相攜之北還落南。停雲天籟遞傳守，最後乃歸鹿原叟。我讀埃邨陶舫詩，已嗟門巷換烏衣。當年手寫三家集，想見辛苦研隄麋。楚弓楚得差無恨，海水羣飛石不爛。征南武庫有裔孫，肯作尋常馬肝玩。

書師鄭莪蒿永慕錄後

國朝文獻推海虞，駢肩接踵皆鉅儒。君家系出唐金吾，雲溪再徙來定居。百年喬木存先廬，黃巾禍起連江湖。步青先生抱遺書，奉親避地頻飢驅。亂定歸來三徑蕪，上庠食餼中興初。和璞屢獻仍懷瑜，閉門著述稱潛夫。門外不絕問字車，高堂色笑時奉輿。年躋大耋猶康娛，芝蘭玉樹環階除。一經遺之勤菑畚，伯也早達翔天衢。金陵就試挈兩雛，重違母命終踟躕。母病遽聞急迴轆，炎燄六月汗浹膚。關津迢遞不可踰，方寸亂矣天誰呼。與母同日歸泉壚，事聞九重詔旌閭。至今鄉里傳孝烏，同心更有嘉耦吳。早嫻女誠習德隅，義方訓子敬養姑。

習勤不憚井臼劬推恩六姻罄所儲一室之內常怡愉
含章可貞坤德符我交令子廿稔逾幼曾隨宦游吳趨
世德耳熟頗能臚證之紀述非虛誣人生不自空桑墟
明發之感誰則無吁嗟世變今何如仁義充塞楊墨徒
大倫既滅無親疏傷心豈獨乾侯鸚封狼平地生貔貙
不惜同種相翦屠年來人海同羈孤秋風歲歲思蓴鱸
安得普天偃戈戩墓田丙舍親耕鋤知君不獨至性殊
錫類兼欲砭頑愚佛雲片石留畫圖紅豆花時還紛敷
積善門庭席慶餘文學志行爲世模鐫之金石定不渝
千載當與瀧阡俱

壽沈庵宮保同年

不

玉葉金枝地望崇詞流百輩仰宗工宣和書畫歸精鑒
慶厯文章接鉅公大集允追宸萼後前塵都入夢華中
歲寒留得貞柯在肯羨鷗波松雪翁
臺省叨陪鵷鷺行黑頭公望重巖廊史成歲役藏綾本
瑣院聯吟憶燭光厯厯巢痕餘故事翩翩綵舞看諸郎
風塵瀕洞人間世輸與蓬萊日月長

畏廬猶子實馨嘗自繪篝燈課讀圖爲其母壽余
有題句因亂遺失復繪一圖乞補錄再題其後
惻畫通靈偶賺癡瀧阡借讀事尤奇一般風景重摹寫
總是天涯陟屺思

題龍泉檢書圖

道光辛丑程春海侍郎歿於龍泉寺阮文達借何子貞陳頌南汪孟

慈往檢遺書戴文節爲之圖諸
公皆有題跋圖今尚存寺中

有清學派凡幾變考據詞章能兼擅儀徵晚出集大成
誰其嗣者惟歛縣南齋再世叨侍從輶軒四馳收英彥
龍門在望士所歸棘列超躋帝尤眷東京復見鄭司
農六藝九流盡貫穿僧廬結夏偶寄居公暇依然親筆
硯是時阮公亦還朝白首孳經未厭倦門生門下得傳
薪每集勝流共文讌椽繭初編黔播詩椒馨細訂毛韓
傳無端雞夢忽逢占頓失替人淚成霰東洲早蒙國士
知頌南孟慈亦舊掾相將蕭寺訪遺書別乞鹿牀寫橫
卷百年陳迹履綦荒東南亂起誰及見文選樓傾甲第
非錢塘濤涌狼烽徧身齋落拓子尹窮斯文不絕僅如

綫追思蒲礪醉中言譚生當日猶婉變副墨幸刊粵雅
堂海山虛想樂天院斯圖偶脫劫燹餘留鎮山門足歎
羨慈仁香火倘可援歲歲花時申盥薦

書劉立甫

壽椿

守路事略後

劉攝守潞安值義和團事起以禁令約束

所全活甚眾潞人至今猶德之事略爲其幕客所記

金虎肇宮隣始子而終亥扶漢與代漢假託皆民氣劉
君仁者勇豈止古循吏使立於廟堂肯效相弘輩中原
今無主暴民起專制君猶及清時居下能行志

跋庵太傅八十壽辰重遇瓊林筵宴敬賦奉祝

清節尙書後耆年大董臻撫言光往牒論道有師臣百
爾徒充位雙南早許身梁村承墜緒左海溯前津南服

初持節中書孰秉鈞高衢方待騁直道古難伸緬昔連
茹拔爭傳諫草珍陳濤寃次律湘水惜靈均臺閣翔羣
彥江湖署散人陔餘勤纂述門下仰陶甄園橘堪供賦
巖松自寫真通書朝貴絕問俗海童親士慕登龍李人
推祭酒荀攀弓痛鑿馭束帛促軺輪講幄仍丹地朝班
尙紫宸重吟前度觀幾積後來薪燕處憑蒿柱狐鳴起
棘礎聖功賴蒙養禪詔逼宮隣社飯年時感奕棊翻覆
頻已寒金匱誓誰扈翠華巡綸邑曾興夏岐山亦去邠
展箴時獻納饘橐備艱辛宗祀存鐘簋天驕識鳳麟殷
憂猶集蓼歸興忍思葦恩宴逢周甲遐齡應降申東堂
溫昨夢南極耿霜辰啖餅殘牙在書屏法語新晚花呼

不

壽友朔雁恰來賓慧業超千佛孤根繫五倫引喙只文
字錫羨疊絲綸末學慚窺管前修每望塵史成偕載筆
禮閣記連茵洛社瞻尊宿蓬山證夙因縱談元祐事還
憶曲江春退舍占熒惑停梭問結璘世情有朝暮吾道
詎緇磷舊隱思神晏新詩和穎濱雲霄翰鶴健子姓復
麟振鴻寶方皆妄霓裳曲未湮堯天長共戴更數八千
椿

重九日釋戡招集陶然亭登高分韻得醉字

城南堆阜如覆簣承平有此觴詠地山門一道古槐陰
劇憶盲僧殊斌媚將軍綽有征虜風慣招佳客飲文字
高處甘輸俗子游閒中自領枯禪意野潭半涸葭莖荒

西山隔堞尚橫翠，一龕主客地有餘。政恐龍山遜高致，老生常談世所嗤。爲君強制新亭淚，黃花霜信不嫌遲。得酒逢辰且歡醉。

蟹爪菊八首和樊山作

秋來芳訊話籬東，菊譜誰知蟹譜通。正苦持盃虛左手，忽驚擁劍出深叢。餐英倍觸騷人興，沒骨難矜畫史工。喚取淡交同結社，休嫌入座雜腥風。彭越前身菹醢嗟，到頭富貴付空花。未消鐘室同功恨，來就柴桑處士家。佳節紛紛過桃李，濁流擾擾見魚蝦。金錢只作飛蚨化，一蟹中猶判等差。菊種中有金錢菊，南方蟹之小者亦

有金錢蟹之目



仙根女几記分苗，六枳編籬當緯蕭。魚魷祇宜空谷媚，建蘭最貴者名魚魷白雞冠未許後庭驕。雞冠一名後庭花閒尋舊雨重開徑，夢想秋江正落潮。卻笑涪翁徒耳食，輕將荔子比

江珧

應候黃華夏小正，豈真戈甲兆金行。松陵自和餽餽句，

魯望和龔美寄海蟹詩且非何穎敢餽餽涿野猶廬草木兵。高似孫松江蟹舍賦其多也如之兵，倘助姚王張北勝。肯從宋嫂問南烹，小詩且耐空螯嚼。簾捲西風太瘦生。

曾侍慈恩舉壽杯，江湖滿地可勝哀。吳鄉見說無遺種，夔府何心記兩開。偶伴囊萸同此醉，不知執穗孰爲魁。城南試覓槐龍蹟，乞與移根一處栽。

老我生涯抱甕休，蓴鱸歸興負扁舟。香寒幸不來蜂蝶，
箝利端能制虎牛。菊牛一名菊虎能傷葉見羣芳譜衰鬢已知簪朶怯，
饑涎若爲麴車流。擘黃且唱漁家樂，山谷詩酒熟黃領取漁家擘蟹黃領取
尊前一味秋。

舊夢南柯墜渺茫，閒從物理悟炎涼。髮跚幾隊忙奔火，
倔強殘枝尙傲霜。晚節久拚儕隱逸，橫行那用露文章。
鯤鵬椿菌無非幻，註雅餘功試註莊。外刻自味論鶴
鶴髮仙翁日涉園，駐顏長喜鄴泉溫。現身自寫金剛照，
點簿重加水族恩。染甲故應羞鳳婢，脫絀還見長龍孫。
酒旗茅店從嘲笑，聊爲鴻泥誌爪痕。

前題樊山又續成八首索同作

不

十手鈔胥恐不供，先生兵甲定羅胸。芳叢漸見殘英盡，

詩械還驚故疾逢。東坡詩故疾逢蝦蟹未中權門充海物，要令老

圃駐秋容。行間認取龍蛇走，想見花前倒酒鍾。

韶華轉眼逼霜辰，狼藉風光一窖塵。本穴幽蘭誰託土，

河陽枯樹忽生春。郭河陽畫枯樹取法蟹爪司徒太尉休相笑，用蔡謨

廣茂世泉明好卜隣。鸞鳳不來香葉改，潘江賦筆屬何

人。舞鳳翔鸞潘岳菊賦語

動植由來靜躁殊，腥馨亦復判江湖。山家清供蟹生於江者黃而腥生於

湖者紺。畫圖政可論形似，七筯何須問腹腴。佛子燒猪

元是筍，相公蒸鴨故爲壺。伏波薏苡終遭謗，得爪還應

勝得珠。

十二辰宮作作芒日精鑄出倍輝煌胭脂偶點供時眼
北戶錄蟹殼常有胭脂點錦繡猶疑有別腸堆就蠓山容飽看糟歸
螳囊尚餘香嗅英豈減持螯樂試問江邊採捕郎

渺渺秋空雁陣斜冷紅相映野人家牆陰蠹粉根深託
簾底蝦鬚影半遮湯眼過時閒試茗琴心靜裏想爬沙
藩籬便擬江天買杜句拈來許恣誇

杞菊天隨未療飢偶傳蟹志亦恢奇誰云兩美難為合
相趁重陽若有期霜後圓臍知雋美霧中老眼乍迷離
水仙別種同名號水仙亦有蟹瓜一種馨弟梅兄各一時

馬塍大笑過臨安楊監經游詫巨觀楊誠齋有經和寧門外賣花市見菊
詩百品分標誰甲乙一詩容易換尖團花糕妝點樵師



子寶塔玲瓏鬧蜜官併與夢梁說遺事蝦蟆無奈六更

殘菊品至南宋始繁爾雅治藩與楚騷陶詩所賦詠近
代攷據家俱斷為非今人所賞之菊獅子花糕及菊
花塔皆臨安故事又有一種名臨安大笑菊並詳見南宋雜事詩註

敝廬自署感懸匏對此寒花亦解嘲一水丁沽相望渺
百錢亥市等閒拋偶張白戰慚詩敵為筮黃離揲易爻

誦到退之南食句家山空負舊衡茅

題錫子猷都護遺墨册册為馬明山將軍所藏手札外有摘錄呻吟語數則

聖武開邊紀默深章佳往矣得湘陰艱難重奠西陲局

嘆喑猶聞北將吟豈有興珠制羅紉更無擴廓起和林

將門韜略儒門語讒口當時恨鑠金子猷將家子通文翰西征與金忠介

張勤果皆於湘軍外別樹一幟並為左文襄所倚重權
伊犁將軍時以爭哈薩克牧地為俄人所忌被謗聽勸

鬱鬱以歿事詳廣雅五北將詩中

發廬臚草

已酉拔萃科門下士邀同設庵沈庵艾卿城南酒

舍叙舊用庚戌闈中唱和韻呈同座諸君子

回首靈山選佛場廿年衰鬢總成霜梅村九友曾推董

逸少重臺尙得羊是日陳生文虎攜有學堂影印名家書畫數種共評騭東海飛

塵方頌洞西清古鑑久淪亡一樽猶爲論文設坐惜槐

陰轉畫廊

題陳少石同年重游泮水圖

黌舍曾充弟子員霓裳已渺大羅天猶餘鞞雅同聲集

及接巢經一輩賢嶺海謳思存故老湖山嘯傲屬頑仙

畫中留得童顏在想見翩翩舞勺年

不

不

樊山生朝前一日約同人市樓小集卽席賦呈

九九遐齡又添算去年此日醉華筵吾儕相會惟真率

老子當今是樂全霜下松姿還自茂月中桂籍故長懸

耆英兩字從天錫不藉人間畫史傳

先薯祠示君庸

祠所祀爲前明金中丞學曾萬歷中歲大飢金君勸民種植當時並有金薯之稱事具郡志余前和君庸詩竟失考偶檢蒹秋叔祖閩產錄異始知之因爲補詠

先薯特爲金公祀冠以金薯姓字香方志具詳人罕識

楹書近在我還忘淪湯因憶中丞菜校士方開致用堂

同治中寶應王文勤公撫閩建致用堂課士嘗淪薯苗爲羹餉諸生林歐齋方伯時掌教名以中丞菜並令諸生作詩詠之中丞菜並令諸

丞勒爲一集併與君家錄薯史烏山祠宇尙相望

題徐友梅觀察靜園圖

抱壘齋詩

上

退居饒綠野存想只黃庭道院晁家集明湖歷下亭清
風攜袖在夜雨對牀聽自得猶龍契休猜病虎形西山有姚

少師
靜室

平齋寄示自壽詩索和勉次原韻

懶病年來不可醫喜君長健覺吾衰唾壺自扣歌誰和
短榻垂穿坐自危脈望仙緣尋故紙媿隅蠻語問清池
倚樓悟盡行藏理詹尹無煩更卜疑

歧路前頭復有歧漫漫長夜旦何時酒壚迴念同游盡
佛偈全憑定力持未辦還鄉乘下澤猶能索笑向南枝
一腔熱血誰從灑擲付詩瓢信所之

君庸從花市購得柳葉梅兩株賦詩乞同人題詠

卽步其韻

老梅鍊就風霜骨能空凡豔惟矜莊黃梅非種附梅譜
重以涪翁句子香柳星在天爲列宿失身誤落歌舞場
風絮水萍遞幻化輕薄漂蕩固其常樓東河東忽合傳
賤質何幸儕嬪嬙認桃辨杏付嘲噓歲朝正可娛高堂
釋戡示元旦書懷作書到已逾上元矣次和

歲朝闐寂似蕭晨只有寒梅伴病身舉俗更誰談舊歷
屏居况我屬陳人游驄已逐燈宵盡破硯猶供雪案貧
壓架老藤應更長花時定許覓前塵

釋戡又示早春作仍次和

牛斗占天已不神龍蛇起陸豈能馴問誰黍谷工吹律

久矣桃符懶換春花近生朝偏厄閨柳臨官道只含顰
眼中萬象回何日還我江湖放浪身

孫文懋師爲某君作因陋草堂圖魏若於滬上得

之書來徵題

富陽喬梓鹿牀翁神化丹青景仰同片羽吉光未零落
還從浙派見宗風

半壁東南劫火殷王師次第掃榛菅畫作於同橫圖但

寫林栖趣已覺承平氣象還

鶴亭新自南來惠贈古風二章次韻奉答

我詩初無法信口爲吟謳未能謀一身况乃談九州黃
農日以遠逝晷不我留橫流哀赤子香草思靈修勞者

但自歌詎堪語時流玄亭念瓠覆長爪遭溷投休論身
後名且看風中漚

六代數詩家陶謝差匹敵康樂忠義人肆志託泉石讀
君和謝詩頗復侈宦蹟迴舟上金焦目極東南坼誰知
新亭淚孤憤盈胸膈仍歲賦北征逢迎多親識敝廬絕
輪鞅肯來慰蕭寂白水闕禎符餘分競紫色安得昆陽
師長驅挾霹靂

題蔣乃時鐵驪圖

黃竹歌聲去不還渥洼無復貢天閑風塵難得孫陽鑒
高價千金只等閒

二月二十八日偕弢老梅生稚辛季友移疏嘿園

迪庵午原冒雨游大覺寺中途至黑龍潭小憩
杏花已謝而雨中山景殊佳留連至暮始返
老有詩屬和卽次其韻

絕頂登臨卽闖風天留奇景待詩翁層巒次第浮新翠
遠草連緜襯落紅遼鶴相尋多夢詎潭龍已徙寂神功
出郊挾得隨車雨難得氛霾一洗空

迪庵續作大覺寺雨後詩亦次韻和之

看花雖後期花林自引勝屋角春鳩鳴知有好雨聽軒
車連壁來晨征爲鼓興小憩澄潭清遂躋初地迴明昌
八院遺崇構孰與竝年深斷碣殘境僻野情稱品泉就
竹根披雲陟松頂列岫出新沐危欄恣高凭誰家擅果

園是處通樵徑襪被不可留催歸愁夕磬歸路趁山光
城闔已向暝

社園雨中牡丹同立之仲雲迪庵嘿園作

百花開徧洛花開不見軒中今雨來是日適同集步障

幾家深愛護角巾令我久徘徊紅芳莫遣新泥污白點

渾疑急鼓催擡舉精神須此段楊誠齋牡丹詩擡舉精神微雨過漫從

月下美瑤臺

輕雷誰喚阿香車無礙仙葩爛熳舒國色眞逢酣酒後

漲流爲想棄脂餘驚寒鳳子尋還怯向午貓睛畫不如

夢裏朝雲應髣髴好憑花葉與傳書仲雲適見示在某校書處聯句作

黃黎雍寄示松客詩冊書後並答來書意

遼東三老皆詩傑。短褐論交古性情。後起端能扶大雅。枉存重愧采虛聲。王風蔓草誰還念。江水松花故自清。白首相知甯恨晚。佇聞逸響振韶譔。

津門小住偕峻丞。詞伯立之立。盦李氏園泛舟次。

韻和諸君作

綠陰一徑轉深叢。樹裏橋欄界小紅。巾屨招邀皆舊雨。襟懷披拂得清風。幽軒瀹茗閒中話。曲港拏舟絕處通。悟得及時行樂理。眼前濠濮卽方蓬。

柳樓晚眺

鶴背天風未許乘。危欄落日此孤憑。去來潮汐橋頭水。高下樓臺樹杪燈。赤縣神州何處望。黃金土價逐年增。

曠林猶自干戈鬪。叢雀淵魚歎可勝。

題王翁孝卿還鄉記後

翁南皮人。弱冠從軍。轉戰無所成就。去而學賈。復不

利流落關外六十餘年。其孫希堯始訪得之。紀其事乞詩。

投筆封侯志竟乖。飄蓬地角復天涯。夢中豈意桐枝長。痛定方知蔗境佳。柏寢從今年莫問。沙場幾輩骨空埋。高堂明鏡重開日。一帖零丁感涕皆。

題林蔚文虎口餘生圖

莊生能道東陵跡。太白曾歌蜀道難。君自吉人得天相。大千浩劫尙漫漫。

無主生民是亂源。不須成敗問巢溫。年來銜闕哀無語。且爲君題說虎軒。

范石湖有說虎軒記

東北軍退後都中閉城已數日樊山忽寄詩三章

並鷓鴣天詞一闕走筆答之

落葉滿山山更青樊山原句山中日歷只堯莫霜林盡後寒

松在會向松根鬪茯苓

刻畫無鹽引鏡羞碎金廣雅可勝收湖光淨業猶如昔

一瞬滄桑二十秋來書摘落葉詩中語又引廣雅集外

殊過非所

九門深閉晝如宵鉢響鐘聲總寂寥猶有書郵差解事

吟牋未竟厄洪喬

揖讓雍容事救焚商芝又作出山雲與君真是巢由侶

挂樹長瓢百不聞

梅南六十初度集榕社同人聯吟卽席奉呈

茂苑尋芳已後春蓬萊測海幾揚塵選官下飯今無用

問字停車尙有人荔子香中哦斷句槐柯夢裏話前因

書屏認取如椽筆與點風雩契最真張老適自津寄來親書所撰壽言

題林訪西丈味雪堂遺藁卽送清畚南歸

橫流滄海到而今廿載難爲感逝心林際春申餘髣髴

草間祭酒自沈吟庚子自海道奔赴行在所魏暮家

世猶遺笏安石文章此碎金目送羈鴻又南去雲山迴

望只霑襟

題沅叔藏園校書圖

萬卷丹黃出劫餘一庭花石擁精廬塵闌誰及君高致

拋卻山游便勘書

退谷蕉林舊蹟非，宋元珍槩近逾稀。冷攤慣閱麻沙本，安得春明儻宅依。

次韻徵宇社園卽目

安排麟閣畫獼猴，馬勃牛溲一例收。遷史至今傳夥涉，魯人久已薄家邱。濁河豈是投膠止，時夜虛勞見卯求。只合坐懷師柳下，裸裎爾我亦由由。

近事

近事傳聞太可驚，如毛羣盜正縱橫。豈無唐珏懷忠憤，不必溫韜問主名。南內壽皇傳大寶，西天我佛祝長生。祠官曾奉山陵役，空望松楸涕淚盈。

徵宇以新摘葡萄見餉賦謝代簡

十年樹木計甯差，珠寶纍纍忝拜嘉。想見南柯消一夢，閉門欲傲召平瓜。

杜宇冬青滿目悲，起予高論讀新詩。君昨有和近事詩法和遺

語君應憶取果還須待熟時。

君坦作弔社園芍藥詩樊山再疊原韻和之並屬

徵和

春光婪尾去無痕，金帶誰憐斷舊恩。亡社向來足憑弔，僮奴豈復解溫存。廣寒仙桂祇留影，本穴幽蘭久露根。莫為花天悲小劫，蟲沙滿目盡冤魂。

冰社諸子近為填詞之會以戊辰七夕命題余不

習倚聲適釋戡寄示七夕書懷作依韻漫成一
律示澣兒

人間末劫知何世。天上佳期說此宵。可信蛛絲偏得巧。
空持犢鼻向誰驕。碧翁仰視仍沈醉。黃屋安歸且寓僑。
卻羨盈盈銀漢水。微波終古不生潮。

師鄭示生朝述懷二章多憤鬱之詞輒抒所見廣

其意

君才萬斛泉不擇地而涌。放爲江海流。波濤浩呼洶。蹉
跎逼衰暮。憫默就閒冗。瑣旅無安栖。選樓自孤聳。世患
益泯芴。蔽天愁蟻蠓。戒詩復有詩。豈欲鼓餘勇。吾儕共
偷息。中壽木已拱。忍持銅狄淚。更灑冬青壟。紛紛昨暮

兒儒冠笑鬪燔。藏山待千秋。有恃宜無恐。簞瓢處陋巷。
昔賢亦屢空。且當玩易爻。憂患思周孔。長夜黯不晨。殘
山亦懵懂。安知無黃人。杲日行再捧。淇竹晚猗猗。岡梧
朝葦葦。因君發遐想。卽以祝大董。

次韻子威瀋陽講舍見懷作

鑿空仙槎壯此游。榆關風物恰清秋。誰令烏几荒生事。
正要鯨波盪旅愁。碣石東浮多積水。神州西望莫登樓。
不知虛館公孫客。可有當年管邴流。
君詩宗派接婁東。經術兼饒戴侍中。獅吼且容高座踞。
鶯求孰是友聲同。柳條邊外看殘照。木葉山頭詠古風。
迸入秋笳振餘響。郵牋佇盼報來鴻。

徵宇見示疊韻呈太傅公作與日前和章並古誼
忠肝溢於言表非時流所及也亦疊原韻書後
憂樂蒼生孰察眉孤根應有蟄龍知萑苻徧地將如彼
龜鑑當筵自得師雪恥成功非苟倖責難陳義敢輕卑
且須人定觀天定綸邑元無尺土基

前詩意有未盡再疊前韻呈徵宇

守口瓶居鑿井眉韓仇家世兩心知前途襄野猶迷聖
往事梨洲痛乞師耿耿微誠祝荃宰紛紛學語笑鮮卑
御屏無逸圖長在想見艱難積累基

金鼇玉竦橫牆折後車過口占

靈囿休迴溯游人且恣娛猶嫌限北海不謂改南都障

礙有時去源頭無奈枯玉泉山上流久不放
闡三海皆垂乾矣滄桑茲小
影妙手肯臨摹

徵宇見和前作因感及新華門舊事疊前韻

策力同時屈何關竊號娛老公徒荷荷从仄音讀平丈儼都

都猶見門題赫誰憐塚骨枯寂寥班史贊辛苦想規摹

徵宇次和前作復以餘意換韻續成一章依韻和

之

據亂談人物都疑應運生塔尖仍靳合用五代史
石敬瑭語篝火

詎長明赤縣無窮禍黃袍一餉榮頗思題墓語尙愛孝

廉名來書引魏
公九錫事

曉枕偶成

堆胸磊塊漫崢嶸。斗室聊堪觀我生。病樹吟秋如有覺。幽禽哢曉亦多情。支撐小極餘書冊。想像承平到市聲。一雨庭花都謝盡。盆蘭自放兩三莖。

蟄園社集席上訊迪庵

達夫未達頗稱詩。老樹著花無醜枝。絲竹中年聊自放。風塵吾道欲安之。鴻泥陳迹尋常共。鱸膾歸心日夕馳。銅鉢聲中宵苦短。不堪作惡問行期。

次韻子有移居

計然十策幾留餘。三徙君今始定居。貽厥甘棠存舊笏。斯干苞竹見新廬。風雲突兀胸千厦。花木平章手一鋤。傳徧山薑酬唱句。不知身世是逃虛。

相宅經誰證櫟園

櫟園書影載相宅吉祥四十事

洪休天語好題門

今歲元旦在津舊臣均蒙頒賜御書大吉二字

版輿綵服承歡笑金爵觚棧

繞夢魂。掃榻時還延舊雨。搗戈會見返朝墩。文身章甫非無用。重譯今知聖道尊。

葛

滋鈞

節母事略書後

結襦未五稔。遽痛所天徂。上有衰翁在。恃此遺腹孤。白華代子職。襁褓撫熒雛。子職固有終。門戶當誰扶。緇素一經業。膏油十指餘。兒生未知父。猶能讀父書。願及春暉永。奮翼翔天衢。金萱萎朝露。哀哀鞠我劬。震川項脊記。北江燈影圖。古來風樹恨。不獨一皋魚。所嗟邁世難。九流混勺儒。勞薪爨逆旅。未免傷飢驅。顯揚雖有待。綽

契已旌閭當代誰歐曾闡幽椽筆濡二南王化邈女範
亦淪胥詩成一浩歎霜月聞啼鳥

樊山戲擬試帖詩並邀同作即題其後

熙朝中葉恢文治試律沿唐製一新館課以茲掄甲乙

選家託始冠庚辰祖庭我久慚傳硯先祖刊有天開圖畫樓試帖宗

匠君真老斲輪五十年前蓬島夢籬間賸得兩閒民所作

題為還來就菊花

徵宇叠示秋情詩依韻奉和前後得五首

秋空作意幻陰晴賺盡三農望歲情豈有爰居災可避

不知絡緯織何成夢華空復談天咫漢軍震在延大令著天咫偶聞皆誌

輦下故事仰屋仍愁稅月明漸近授衣冷時節全家且住聽

風聲

黃仲則詩全家都在風聲裏借用其字面

月窟天根孰縱探儒分爲八墨離三人情苦自爭朝暮

地氣何曾限朔南異事存疑歸野史定心回向只枯龕

洞璣漳浦無傳授後起君應一席參徵宇時方治易

樂府相傳萬古愁歸立恭萬古愁樂府皆譜歷代興世祖嘗命內廷演習那

堪行在續陽秋衣冠草莽誰還恤鼓角關山且未休鶉

首啟疆疑帝醉霓裳記曲付仙游玉魚金盃人間恨舊

內猶餘寶月樓西苑寶月樓相傳乾隆時爲某妃特建以俯臨回回營者今爲新華門

折枝斷句踵鄉風幾輩相從汐社中猶見唐音開寶盛

不關魯史定哀終巢痕他日悲梁燕吟響深宵答砌蟲

席帽南宮論故事劇憐燈燭一般同

游釣難忘父母邦，海波日夕尙春撞。遺書正誼儒風息，斷碣瑯琊霸氣降。十郡版圖成割裂，百年謠俗換醇龐。君家霜橘沿村美，自占門前一曲江。

次韻釋戡戊辰中秋

夕烽徧地不曾收，卻有清光出屋頭。歌哭千家憐此夜，陰晴萬里本同秋。前潮胥母知何似，靈藥窮妻詎可求。夢裏隣霄臺上月，幾時共對豁羈愁。

壽言仲遠觀察

聖門七十二賢言子起南服，蟬嫣累千禩。華胄仍望族，君家好兄弟。坡穎世屬目，我始交長公。傾蓋如舊熟，嵩雲秦樹間。一別邈山岳，壯圖惜未伸。君才尤卓犖，淹貫九

流書運籌贊帷幄，憶在柔兆歲。問津經析木，東道備殷勤。酒酣繼明燭，縱談今古事。握手肝肺掬，國勢猶可爲。歲月驚轉轂，鼎湖墜軒弓。漢運丁百六，海宇遽分崩。蒼生罹荼毒，吾道合卷懷。褰裳恨不夙，故山雖未歸。菟裘久已卜，耦耕希鹿門。三休悟王屋，往歲我七十。鴻文遠見辱，肫肫念舊情。展誦增感觸，君今亦周甲。顏童鬢未禿，前期戒稱觴。此意尤遠俗，手寫述懷詩。華牋燦盈幅，學陶真似陶。異代侔芳躅，高枕游羲皇。繞砌森蘭玉，想見心太平。一庵萬事足，衰慵吾自放。近益荒簡牘，千里有神交。知不責疏數，鸞鶴在九霄。白駒思空谷，俚言不成章。聊致臨風祝。

次韻樊山書感進退格

但有蕪城供弔古何須黍谷問回溫佳人變相皆為賊
窮漢求官那不貧春日爭看花滿樹秋風方悟葉歸根
浮屠桑宿休多戀猶及還鄉作順民嘗與友人論明季士大夫殉國難者之多為漢唐以後所未有國朝更一追謚又於國史特立貳臣傳皆未免抑揚太過所謂日中則昃月盈則虧者此言雖未嘗不有至理存焉今日者不惟熊掌不可得而彈鋏歌無魚者且比比皆是也此又世變之可悲者已

生朝述勤惠餽盆菊十數種日來始盛開命酒賞

世難生滋戚塵栖徑任荒久知慚壽友聊可綴重陽親
舊多分散歌謠強激昂鬢邊無可插留取伴萸囊

瓶花

花時常懶出斗室與誰親亦自兼紅白無妨閒舊新重
簾風隔斷小杓水添頻恨少黃筌筆屏間替寫真

窗竹

無竹令人俗吾幾負此生移栽將十稔坐對覺雙清不
改雪霜色亦逢雷雨盈繞簷新翠合次第記抽萌

事為長篇紀之

詩家廣大無不有嵌字句中索對偶改詩何義起何時

譬以折枝亦近取閩俗相承稱改詩不解其取義亦不詳所自始據故老傳誦之句大約不出百年也

兒時習聞長老說徐李雲汀孝廉星村茂才佳句熟人口

始緣鬪捷競清新。漸且徵材造雄厚。名流雅集藉消閒。委巷效顰或忘醜。振響亦賴登高呼。傳鈔居然不脛走。

船官初拓漢司空

沈文肅筦船政時有船司空聯吟集

節樓重植武昌柳

吟

先祖在鄂公暇亦嘗集賓佐聯吟。泊張文襄督鄂此風乃益盛。

禮羅幕下富才彥。酬

唱公餘聚賓友。文肅天矯人中龍。往往真氣驚戶牖。文

襄武庫森甲兵。愛搜秘笈資談藪。流派遂有閩粵分。壇

坵益振同光後。豈妨庶子采春華。未許公羊譏墨守。石

林早逝惜玉樓

余所見吾鄉工此體者。張文而外當首推稚惜侍御。

天琴宿師推

祭酒

近年都中詩社皆推樊山為領袖。

寒山鐘杵鏗華鯨。榕社春燈燦

珠斗。春明轉盼成夢餘。中興想望生耆耇。邇來勝侶半

飄零。眼看雲衣變蒼狗。瀑流不洗徐凝惡。論語供薪立

覆瓿吾曹暇。日尙追歡且喜歲。寒交耐久軼事亦關掌。故遺大雅今孰扶。輪手零珪斷壁儘堪珍。因君還質滄趣叟。

樊山招飲城南酒樓並示九日攜家游香山昆明

湖疊前和折枝韻仍疊前韻奉和

君詩左宜復右存。獨立騷壇殆無偶。耽吟不廢山澤娛。

譬之熊魚欲兼取。畏俗難障方麴塵。哀時苦銜石闕口。

五嶽夙契李青蓮。小邱新買柳子厚。劉郎題糕豪實怯。

參軍落帽狂亦醜。全家許掾可挈從。何物蔡兒笑學走。

佳節思鄉徧插萸。征亭傷別頻折柳。舒嘯如聞鸞鳳音。

避囂喜得麋鹿友。品泉憶昔酌中冷。撻雲歸去伴虛牖。

脚根猶帶九州煙。胸次早吞雲夢藪。急追逋景效蘇髯。
 舊讀宮詞恥王後。湘綺圓明園詞。皆紀庚申時事。分明門戶見建章。約
 略園池記絳守。折簡仍招白社人。逢辰且醉黃花酒。玉
 堂前輩僅太邱。恰好南極配北斗。欣然探袖出珠璣。相
 將執爵祈黃耆。萬首儘容勾膏馥。君自言重入都門十
五年得詩詞近萬首。
 三蕉無用發甌瓠。是日座客皆不能飲。高談驚座各風生。斜月窺
 簾知夜久。衣冠幸從園綺游。臺閣竟閒燕許手。援毫請
 賡飽德章。量腹差堪充下叟。

次韻釋戡雨窗遣興

琵琶響誰聞。繞殿雷。芸香老我亂書堆。承恩曾見黃旛綽。
君方續鞠部叢談。思誤空希邢子才。有恨含冰猜漢語。何情算



劫問池灰鑪薰茗椀閒。滋味新詠君能續。玉臺

平齋寄詩二章皆述近况。即效其體步魚韻作二

詩答之

詩來只說家常語。似覺醺醺味勝初。人海有誰憐涸轍。
 星郵幸不阻傳書。愁聽朔漠白翎雀。夢渺南屏金鯽魚。

來詩述移疏湖游之樂。室在戶部嘗於便面畫一車一騾一奴。星作趨曹狀。袁爽秋為題詩。此閻文介管部時事。距今且四十餘年矣。尚憶其人畫中情景。亦惟君可語也。

一年駒隙恩恩過。又到西風落葉初。湖海故交無幾在。
 陽秋近事不堪書。久知蘭佩憎多狗。獨羨蓴鄉食足魚。
 截取老藤供短杖。猶能徒步當安車。

答嘿園寄示漢上近詩

東流江漢去湯湯。無望南皮况益陽。生聚十年吾及覩。鬱攸一炬孰為揚。停雲心事新詩本。賦日才華古戰場。時節黃花開自好。瀛臺憑弔更悲涼。

徵宇熙民次贛先後見和折枝長篇再疊前韻呈

諸君

結繩文字初無有。易爻因奇而得偶。孳為簡牘播聲歌。遂令尺椳不勝取。後人追溯古詩源。里巷風謠多信口。尼山刪定存三百。義在溫柔與敦厚。浸淫漢魏歷三唐。益講聲病論妍醜。操觚各自竭知能。佩玉或不利趨走。折枝孟氏喻其易。非若杯棬賊杞柳。餽飭何嫌摘句圖。

示



于喁自得同聲友。敢說江河不廢流。儘容日月近窺牖。閩人雖復拙為名。要是東南文獻藪。風雅略存晉安遺。衣冠豈料廣明後。迂儒與世相背馳。夙昔心猶故處守。承平光景不堪思。十事從頭遺八九。前作初藁本押九字旋改諸君皆依初藁次和。更誰殿桷詠南薰。空見城隅挂北斗。思古懷今亦從之。陋如韋孟亦既耆。羽毛終自惜家雞。玩弄隨人笑瓦狗。何期桃李報瓊瑤。坐對鼎彝慚甌瓠。且張吾軍亦足豪。細思此樂真堪久。燈宵佇聽演連珠。徵宇曾集燈社所作為五韻連珠體。亦騷壇之剗格也。寒夜還從呵凍手。積薪居上望羣公。相如昔已右枚叟。

徵宇再和折枝韻三疊前韻奉答即送南歸

東方著論稱非有孟嘗說客諷木偶臧穀亡羊或互譏
滄浪濯纓聽自取金縷漫歌空折枝石鼓誰知箝在口
蟭蟻叵耐空螯嚼大鵬孰是培風厚少年塗抹偶復事
臨鏡祇增阿婆醜長篇強韻更攀追正似跛牂逐驥走
莊烏越吟終思越三疊竊附陽關柳閩詩開山溯薛歐
鄭荔鄉輯閩詩話以薛令之歐陽行周冠首十子代興各師友近年宛在拓
詩龕蜂房一一開戶牖誰令滄海久橫流福地亦爲藏
疾藪黍離豈惟王迹熄漸恐元音成歇後四郊矧尙多
壘秋青箱幾家猶世守中興申甫那復望謂文肅一輩人更恨
時無洪亨九君歸鞠膺壽高堂風帆計日指南斗開徑
投轄多故人循陔補什祝遐耆閒騎竹馬唱月光勝如

燕市覓屠狗月泉考官亦不惡謝皋羽有月泉考官印洛紙三都
任覆瓿羣陰在下剝已窮吾輩論交敬以久後會甯忘
翦燭宵旁觀且袖爛柯手興亡得失都莫論自有南公
與北叟

景山和迪庵作

遠覽皇畿近故宮登臨此日感何窮五亭自聳神霄表
萬歲空存口號中慘澹殘山橫夕照蕭慘叢木咽悲風
不須更話前朝事王氣今隨玉步終

戲書羣芳菊譜後

彭澤先生徑久荒魏公老圃亦無香誰令國色幾湮沒
妙解人頤得比方北地燕支宜退舍東籬中正好排場

寄聲海內同胞者共拜金剛不壞王
讀屈翁山書宋武本紀後即書其後
曹瞞擬周文可誅乃在意芳髦俱不終蜀禪猶自在典
午亟篡曹先爲滅蜀計卒召五胡禍江左等僑寄元海
稱漢甥攀附實非類寄奴楚元後與蜀同漢裔何不告
高光復仇揭大義始操而終丕空貽于載詈翁山發此
論浮白爲一快一姓不再興語出何典記崇龔冒劉氏
猶能雄五季陸書表南唐謝書存西魏史家微顯筆正
名非立異夏德慨已遼誰復問澆豷洪荒九頭紀忽爾
摧帝制茫茫亘古局滔滔洪流勢掩卷復何云寒燈照
深喟

梁貞端積水潭祠宇落成遇閩谿纓蘅相偕步行
循堤至高廟殘雪初晴寒流未凍留連久之歸

途口占

十年人事付長吁
賸水魂招此一隅
偶趁萍蹤同漫浪
誰知蘭若亦荒蕪
殘僧虛訂花時約
僧言白海棠尙無恙
古柳如披詩境圖
且與雪泥留小印
衰慵腰腳未教扶

次韻答釋戡見示窮秋作

一枕春明夢已殘
鷓鴣愁殺鄭都官
歲華促促無留景
風葉蕭蕭又戒寒
暇日登樓同此感
清宵秉燭幾何歡
詩窮只道窮秋苦
搖落江山尙耐看

夜起檢書意有所觸拉雜書之

蠹魚拙甚守書巢食字成仙強解嘲今覺昔人謀更拙
幾多心血此中拋

帷燈別向夜深明魑魅居然不我爭拚卻鐵函沈井水
也容藜杖降星精

一般夜氣共天倪好惡誰知萬不齊舜跖未分皆熟寐
喚人無賴是晨雞

問訊高人夜起庵扶桑幾日返征驂遙知造膝從容語
不似瀛洲海客談

平齋見示說苦篇及答子瑜用鼇峰課卷代書牋

詩撫今追昔感慨同之寒夜無聊輒成四十韻

奉和

人生遘亂世性命皆苟全全者僅此身其奈百苦纏與
君逐蓬轉南北遂各天頑健雖可喜同病亦相憐凡君
之所苦皆我口欲宣君詩敏且瞻意觸輒成篇文言道
俗情如蜜徹中邊我思絕鈍滯譬挽逆水船有時走醋
甕往往廢餐眠苦中強尋樂苦樂終相懸不樂復如何
索居誰爲緣平生硜硜性頗疑天賦偏亂離天寶後文
物靖康前看雲悲世事遣日借陳編無人可告語與我
聊周旋胸中亥旣珠私喜探驪淵積藁不盈寸漫付梨
棗鐫鐫成復自悔此豈堪世傳誓當焚筆硯噤口學寒
蟬戒詩旋破戒所守迄不堅少陵詩之史香山詩之仙
無能希萬一旦用寬憂煎憶昔宣南居公退時攤牋君

為執牛耳嘯侶來聯翩石林大小阮子季有惠連晝吟
兼卜夜仰視斗插椽春明消一夢忽忽四十年存者無
二三逝者已重泉雅聞鄭和州晚景尤迥邈篋中舊課
卷秋扇未輕捐皋羽洗綾帖茂之繫臂錢尺札亦尋常
此意侔古賢鼇峰吾習游祖庭遺青氈鑑亭暨講舍久
已蕪荒煙讀君兩紙詩益我中心悵窮冬百卉盡老梅
行放妍倘寄江南春或逢驛使便陳芳國何許無亦想
當然君能導先路猶願從執鞭詩中有世界堅坐看桑
田

薑齋墓誌刊成自題草藁後

斷硯磨穿筆亦乾懷君已作古人看公車連壁登蓬苑

兼謂諫草傳鈔稱鐵冠行狀不應遺治譜雄才豈止壓

騷壇迴思病榻悲涼語來日焉知十倍難君在諫垣以

出守湖外尤多善政惜家狀太疏略無從掇輯晚歲所如不合則時勢為之也

徵宇寄示疊韻見和送行詩並大連篇輒伸所見

四疊前韻奉質

革除之事史恒有篝火狐鳴倖亦偶白龍未免豫且困

黃雀終為挾彈取六州大錯鑄者誰茲事非能爭以口

論都祇供曲士笑稔惡方知疢毒厚與君人海等枯鱗

忍撫舊聞誇記醜興衰歷歷在眼前但驚歲月阪丸走

鑽火猶然故國槐攀條重憶當年柳北洋經始倚臨淮

明治維新真畏友句驪一役誤孟浪坐令強敵闖戶牖

西巡再中宮隣禍東渡竟爲逋客藪皇綱旣解神器淪
百輩無能善其後沐猴自戀故鄉樂蓬萊已失左股守
此時利害逼眉睫遑論海外神州九醫閭王氣故未歇
所欠帝車能運斗似聞痛哭返秦庭尙有典型遺商耆
時來赤伏起真人勢去司城憂瘕狗遵時養晦願少須
陶正昔嘗親甌瓠微君孰與發狂言端居此念懷之久
兵戈無恙老萊衣河梁佇盼重攜手移山誠至感夸娥
詎必愚公輸智叟

嘿園以漢上偕季武攝影片索題

乘鶴仙人去不已賦鸚處士呼不起翩然二鳥忽相逢
鳴非鳴兮止非止牙籌安豐洵可兒毛錐定遠復奚爲

丈夫屈伸各有道三從安得輕鴟夷逆旅恩恩一攜手
婆娑莫問桓公柳當年江夏號無雙今日史公牛馬走
孝標敬通論異同好詞異曲亦同工鏡中自有真吾在
且醉春燈社酒紅

夜坐偶成

登場粉墨幾翻新彈指流光十七春醉夢昏昏渾百輩
鬚眉奕奕復何人積非舉世旋成是證果三生有造因
多謝病魔苦相守頽然一榻著吟身

